

● ● ● ● ●

傳道譯本公法增草 附一

傷寒標本心法類萃

劉守真編集

中華書局

叢書集成初編

傷寒明理論（及其他一種）

中華書局出版發行

秦皇島市資料印刷廠印刷
（北京王府井大街三十六號）

一九八五年北京新一版

開本：七八七乘一〇九二毫米 三十二分之一
統一書號：一七〇一八·一五一

傷寒標本心法類萃

此據古今醫統正脈
全書本排印初編各
叢書僅有此本

傷寒標本心法類萃卷上

傷風

金河間劉守真編集

傷風之證。頭疼項強。肢節煩疼。或目痛肌熱。乾嘔鼻塞。手足溫。自汗出。惡風。其脈陽浮而緩。陰浮而弱。此爲邪在表。已上傷風之證。皆宜桂枝湯。第二次以解肌。傷寒汗出怕風。而加項強痛者。桂枝葛根湯。第三傷風及無汗者。雖已服桂枝湯。反煩不解。而無裏證者。先刺風池風府。卻與桂枝葛根湯服之。不若通用雙解散。五十一免致有桂枝麻黃之悞。傷風自汗白虎湯。二十二金匱方太陽病無汗而渴者。不可與白虎湯。

傷寒

傷寒之證。頭項病疼。腰脊強。身體拘急。惡寒不煩燥。無自汗。或致頭面目疼。肌熱鼻乾。或胸滿而喘。手足指未微厥。脈浮數而緊者。邪在表。以上傷寒之證。皆宜麻黃湯。第一以發其汗。傷寒冒風頭目痛。四肢拘倦。比金散。四十六不若通用天水散。四十九或雙解散之類。五十一甚佳。無使藥不中病而益加害也。○白虎合涼膈散。二十三乃調理傷寒之上藥。傷風甚妙。

中暑

傷寒標本心法類萃 卷上

中暑之證。身熱頭痛。背寒面垢。自汗煩燥。大渴口乾。倦怠而身不痛。或時惡寒。或畏日氣。脈虛而弱。無問表裏。通宜白虎。夏月感冒發熱。煩渴。五苓散。二十四桂枝甘露飲。三十四黃連香薷飲。五十二或雙解散。或裏熱甚。腹滿而脈沉可下者。大承氣湯下之。或三一承氣湯尤妙。半表半裏者。小柴胡涼膈天水散。

中濕

中濕之證。一身盡疼重者。發黃。關節煩疼。發熱鼻塞。時或腹滿脹。大便利。脈沉而緩。以上中濕之證。先用雙解散微微汗之。次用五苓散。或淡滲散。桂苓甘露飲。曾用甘露飲不愈。卻用黃連解毒則愈。問曰。若劑止土之甘。此屬土故以火劑燥土。其病則愈。

風寒俱中

風寒俱中之證。頭痛項強。肢體疼。手足溫爲中風。反無汗惡寒。脈浮緊爲傷寒也。或頭項疼。腰脊強。身體拘急。指末微厥。不自汗爲傷寒。反煩燥而脈緩者。爲傷風也。風則傷衛。寒則傷榮。榮衛俱傷。則表裏熱甚者。通宜以大青湯。或雙解散最妙。

內外傷寒

始得脈便沉。而裏病表和者。內傷也。脈浮而表病裏和者。外傷也。病在身體四肢爲表病。病在胸腹之內爲裏病。內傷通解散。外傷雙解散。內外一切所傷。通神散。然不若雙解散。以子和爲之三法至神。

一切汗候

風寒暑濕。飢飽勞逸。憂愁思慮。悲恐悲怒。四時中外諸邪所傷。但覺身熱頭疼。拘攣強痛。無問自汗無汗。增寒發熱。渴與不渴。微甚。傷寒疫癘汗病。兩感風氣雜病。一切舊病發作。三日裏外。並宜雙解散。設若感之勢甚。本難解者。常服雙解散。三兩日間。亦漸可減。並無所損。或裏熱極甚。腹滿實痛。煩渴譫妄。須可下者。三乙承氣湯爲妙。或下後未愈。或下證未全。或大汗前後逆氣。或汗後餘熱不解。或遺熱復發。或染他人病氣。汗毒傳染。或中瘴氣。羊氣。牛氣。一切穢毒。并漆毒。酒毒。食毒。一切藥毒。及墜墮打撲傷損疼痛。或久患風眩頭疼。中風偏枯。破傷風。洗頭風。風癩病。或婦人產後諸疾。小兒驚風。積熱瘡瘍疹痘。無問日數。但以雙解散服之。周身中外氣血宣通。病皆除愈。然雙解乃通仙之藥。但除孕婦。及產後月經過多。并泄瀉者。勿與服之。惟年老人最宜。自有造化於中矣。

傳染

凡傷寒疫癘之病。何以別之。蓋脈不浮者傳染也。設若以熱藥解表。不惟不解。其病反甚。而危殆矣。其治之法。自汗宜以蒼朮白虎湯。無汗宜滑石涼膈散。散熱而愈。其不解者。通其表裏微甚。隨證治之。而與傷寒之法皆無異也。雙解散益元散。皆爲神方。

表證

凡表證脈浮。身體肢節疼痛。惡風惡寒者。可汗之。不可下也。傷寒無汗麻黃湯。傷風自汗桂枝湯。一法不問風寒。通用雙解散。或天水散最妙。

裏證

凡裏證脈實而不浮。不惡寒。及惡風。身不疼。自汗譫語。不大便。或咽乾腹滿者。可下之。不可汗也。以上之證。宜小承氣湯。大承氣湯。調胃承氣湯。選而用之。一法不問風寒暑濕。或表裏兩證俱不見。但無表證而有可下者。通用三乙承氣湯下之。此藥發峻効。使無表熱入裏而無結胸及痞之衆疾也。或熱結極深。而諸藥數下。畢竟不能利。不救成死者。大承氣湯加甘遂一錢匕下之。病在裏脈沉細者。無問風寒暑濕。或表裏證俱不見。或內外諸邪所傷有汗無汗。心腹痛滿。譫妄煩燥。畜熱內盛。但是脈沉者。宜三乙承氣湯。合解毒湯下之。解毒調胃承氣湯。能瀉大熱。

表裏證

表裏俱見之證。或半表。或半在裏之證者。謂前表裏二證病在相參。有欲汗之而有裏病。欲下之而表病未解。汗之不可。吐之又不可。法當和解。傷風白虎湯。傷寒中風。或兩感小柴胡湯。一法不問風寒暑濕。用涼膈散。天水散。二藥合服。用煎解之。或表熱多。裏熱少。天水一。涼膈半。或裏熱多。表熱少。涼膈一天水半。表熱極。裏有微熱。身疼頭痛。或眩或嘔。不可汗吐下者。天水涼膈散。合和解之。解之又不能退其熱者。用黃連解毒湯。表裏之熱俱微者。五苓散。表裏之熱俱盛者。大柴胡湯。微下之。更甚者。大柴胡合大承氣湯下之。雙除表裏之熱。服雙解散之後。若不解。病已傳變。後三日在裏。法當下之。殊不知下之太早。則表熱乘虛而入裏。遂成結胸。虛痞懊憹發黃之證。輕者必危。危者必死。但宜平和之藥。宜散其表。和解其裏。

病勢或有汗而愈。或無汗氣和而愈。用小此胡涼膈天水合和主之。病在半表半裏。用小此胡涼膈散合和而解之。或小此胡合解毒湯。如服熱勢未退者。大柴胡合三乙承氣湯。表裏俱微。半表半裏。若裏微者。宜大柴胡合黃連解毒湯。合服諸小柴胡湯證後病不解。表裏熱勢更甚。而心下急鬱微煩。或發熱汗出不解。心下痞鞭。嘔吐不利。或陽明病多汗。或少陰病下利清水。心下痛而口乾。或太陰病腹滿而痛。或無表裏證。但發熱七八日。雖脈浮而數。而脈在肌肉。實數而滑者。並宜大柴胡湯。病至七八日裏熱已甚。表漸微。脈雖浮數。用三乙承氣湯。合解毒下之。下證未全不可下者。用白虎湯。或知母石膏湯。脈洪數裏有微熱不可汗者。用黃連解毒湯。

汗後不解

凡是表證。法當汗之。依法汗之。其病又不解。汗後不解。其證前後別無異證者。通宜涼膈散調之。以退其熱。無使熱甚危極也。除此之外。遠勝小柴胡湯。兩感至此而已。汗後餘熱。用益元散。或小柴胡湯。宜武人參石膏湯。傷寒大發汗。汗出不解。反無汗脈尚浮者。蒼朮白虎湯解之。傷寒用桂枝湯發後半日許。復熱煩脈浮者。再宜桂枝湯。汗後不解。下證未全者。白虎湯。汗後煩躁不得眠。微熱而渴。五苓散。汗後不解。中外有熱。口乾煩渴。柴胡飲子。解表之後。尚未愈者。解毒涼膈天水散。能調順陰陽。洗滌藏府。

下後不解

凡是裏證。法當下之。依法下之。其病又不解。或大下後。或再三下後。熱勢尚甚而不退。本氣虛損而不能

實。擬更下之。恐下晚而立死。不下之則熱極而死。寒涼諸藥不能退其熱勢之甚者。或溼熱內餘。下利不止。熱不退者。或因大下後溼熱利不止而熱不退。脈弱氣虛。不可更下者。或諸溼熱內餘。小便赤澀。大便秘泄。頻併少腹而急痛者。必欲作痢也。通宜黃連解毒湯以解之。傷寒下之大過。胃中無熱。飲水無力。白朮散。又有大下之後。其熱不退。再三下之熱愈甚。若下之不止。其人脈微氣虛。氣弱。不加以法。無可生之理。至此下之亦死。不下亦死。但用涼膈合解毒湯調之。陽熱退除。陰脈漸生。爲之妙法。下之前後。無間日數。餘熱不解。小柴胡湯。汗下後。胃虛。大橘皮湯。汗下後。胸膈滿悶。赤茯苓湯。

在上涌之

言病在膈者。當用瓜蒂散吐之。或表證罷。邪熱入裏。結於胸中。煩滿而飢不能食。四肢微厥。而脈乍急者。宜瓜蒂散吐之。傷寒頭疼久不愈。令人喪明。胸膈亦有宿痰故也。當先涌之。次以白虎湯加減。

在下泄之

言病畜熱下焦。則承氣抵當之類泄之可也。

合病

三陽合病。腹滿身重。難以轉側。口燥面垢。譫語遺尿。如悞發汗。則譫語益甚。下之則便厥。額上汗出。後必發黃。白虎湯。

兩感、

兩感。謂一日太陽少陰兩證俱見。二日陽明與太陰俱病。三日少陽與厥陰俱病。前六經之證是也。小柴胡湯。涼膈散。五苓散。天水散。通聖散。雙解散。大柴胡湯。可選用之。熱勢甚。欲可下者。三乙承氣湯。或解毒合承氣湯。

瘧病

瘧之爲病。發熱腹滿。口噤頭搖。瘰癧不語。項強背直。腰身反強。或目痛。或目赤。或閉。或反目。或足溫。或妄行。其脈沉弦而遲。或帶緊者。無汗曰剛瘧。有汗曰柔瘧。通宜三乙承氣湯。合解毒下之。

頭疼

頭疼之證。無問風寒暑濕。雜病自汗頭疼。俱宜白虎湯。或加川芎。荊芥。尤妙。頭疼久不愈。必致喪明。宜先涌痰。次用白虎加減。風眩痰逆。喘嗽頭痛。半夏茯苓湯。頭痛肢體痛。黃連解毒湯。頭疼口乾。桂枝甘露飲。風痰喘嗽頭疼。白虎半夏橘皮湯。風熱頭疼。心煩昏憤。人參石膏湯。傷寒壯熱頭疼。不臥散。

身疼

身疼之證。無問風寒。通解散。表熱甚。頭項肢體疼痛。黃連解毒湯。傷寒癰疫遍身疼痛。少力頭旋。腰腳麻重。嘔噦壯熱減食。三乙承氣減硝加貫衆紫河車。入金銀煎。名銀煎散。中濕一身盡痛。五苓散。

腹脹滿痛

腹脹滿。脈沉者。以三乙承氣湯。合解毒下之。諸腹滿實痛。煩渴譫妄。脈實數而沉者。無問日數。三乙承氣

湯少陽證腹中痛者。小柴胡去黃芩加芍藥湯。少陽證脇下痞鞭者。小柴胡去棗子加牡蠣。太陰證腹滿時痛。桂枝加芍藥。痛甚加桂枝大黃。

往來寒熱

往來寒熱屬少陽。一日二三作。來往無期。用小柴胡湯主之。

潮熱

潮熱屬陽明。一日一發。日晡而作也。陽明裏熱極甚。或吐下後。不解大便五六日。至十餘日。日晡潮熱。心煩。熱而懷。懷如瘡狀。脈沉實者。三乙承氣湯。陽明少陽合病。下利。日晡發熱如瘡者。大柴胡湯。通宜三承氣合解毒。

自汗

自汗者。不發表解。肌自出汗也。傷風自汗也。傷風自汗。桂枝湯。傷寒自汗。脈沉數而實。表裏俱熱者。三陽合病自汗者。厥逆自汗者。頭疼自汗者。傷寒自汗未解。半入於裏者。中暑自汗。脈虛者。俱宜白虎湯。傷寒寢汗不止。白虎湯加麻黃根浮麥。傷寒汗下後。自汗。脈虛熱不已。白虎加人參蒼朮服之。汗止身涼。通仙之法也。

中暑自汗。白虎湯。後以澹滲湯調之。自汗多。宜武人參石膏湯。

自利并悞下

自利者。不經下藥攻裏而自利也。脈浮表不解自利。或小便利者。五苓散。一切瀉痢間作。桂苓甘露飲。溫濕內甚而作痢者。黃連解毒湯。則自利清水。色純青。心下痞痛。口燥者。皆濕熱相搏於腸胃之內而成下利者。三一承氣湯。當汗而反下。及不成結胸而但下利。清穀不化。表證在。表熱裏寒也。急以四逆湯裏利止裏和急。以桂枝解表。或用巴豆熱藥下之。而協熱利不止。皆宜五苓散。止利兼解表。

小便不利

小便不利者。小便難而赤澀也。中暑并傷寒大發汗後。胃中乾。煩燥不得眠。脈浮。小便不利。微熱煩渴者。口乾煩渴。小便不利者。小便赤澀。通宜五苓散。桂苓甘露飲主之。

嘔吐

凡嘔吐者。火性上炎也。無問表裏。通宜涼膈散。傷寒雜病。一切嘔吐。調胃承氣湯。煩悶乾嘔。黃連解毒湯。嘔吐煩渴者。桂苓甘露飲。五苓散。眩暈嘔者。白虎加半夏橘皮。傷寒嘔吐。四肢厥逆清冷。調胃散。濕溫內甚。惡心嘔吐者。白虎合解毒湯。

吐瀉

吐瀉者。上吐下瀉亦名霍亂也。一切吐瀉霍亂。通宜五苓散。益元散。白朮散。吐瀉霍亂煩渴。并中外諸邪所傷而吐瀉腹痛悶者。並皆桂苓甘露飲淡滲湯。

喘嗽

大熱喘嗽而滿者。黃連解毒湯。或熱甚咳嗽悶亂。三乙承氣湯。少陽咳者。小此胡去人參。大棗生薑加五味子。乾薑喘嗽頭疼者。茯苓半夏湯。咳嗽者。白虎湯加半夏桔梗。咳嗽不已。人參石膏湯。或宣武人參石膏湯。痰逆咳嗽。半夏橘皮湯。汗之後氣悶咳嗽。五味子湯。

渴

凡口乾煩渴者。傷寒汗出而渴者。飲水反吐。名曰水逆。俱宜五苓散。少陰病。二三日口燥咽乾。三一承氣湯。或裏熱燥甚。傷寒怫鬱。留飲不散。煩渴不止。則腹高起。痛不可忍。但嘔冷涎。大渴不能飲。飲亦不能止。其渴喘急悶亂。但欲死者。三乙承氣湯。熱下咽立止。其渴有若無病之人。須臾大汗而愈。至此往往多有不利而汗出。亦有藥力但隨汗之宣通。不利而愈。或汗吐下後。煩渴口乾。脈浮大。白虎湯加人參。煩燥多渴。涼膈散加滑石。

煩燥

傷寒煩燥多渴。涼膈散加滑石。中暑傷寒汗後煩燥。五苓散。一切火熱。狂躁喘滿。黃連解毒湯。煩躁而渴。白朮散。或加滑石。甚者加薑汁。

懊惱

虛煩 不得眠

懊惱煩心。反復顛倒不得眠者。煩熱怫鬱於內。而氣不能宣通也。或胸滿結痛。或煩微汗出。虛煩者。梔子湯主之。或氣少者。加甘草一錢。或嘔者。及初誤以圓藥下者。加生薑半兩。凡懊惱虛煩者。皆用涼膈散甚。

佳。及宜湯濯手足。使心胸結熱宜散而已。心煩腹滿。坐臥不安。梔子厚朴湯主之。或陽明病下之後。燥熱而懷懷者。三乙承氣湯。汗後煩燥不得眠。五苓散或涼膈散。口燥呻吟。錯語不得眠。五苓散。黃連解毒湯。煩心者。涼膈散。少陽證胸中煩而不嘔者。小柴胡去半夏人參加瓜蒌實主之。

留飲

一切留飲不散。五苓散。桂苓甘露飲。黃連解毒湯。涼膈散。白虎湯。小陷胸湯。三乙承氣湯。選用傷寒表未罷。心下有水氣。乾嘔發熱而咳。或嘔或利。或噎或小便不利。小腹滿或喘者。小青龍湯。

痞

傷寒表裏俱熱。下證未全。法當和解。誤下之蚤。則成痞。心下痞滿而不痛。按之虛軟者。痞。脈浮而尙惡寒者。表未解也。當先桂枝解表已。而後用大黃黃連瀉心湯。攻痞也。或只用五苓散。使除表裏甚良。或痞惡寒而汗出者。或痞而煩。小便不利者。或痞留飲濕熱下利者。或已成痞。因藥尙不止。以其痞滿。誤下之。其痞轉甚。嘔噦下利。心煩躁者。無問痞脈浮沉。並宜生薑煎湯調下五苓散。頻服之。或痞不已。則後亦濕熱煩滿。或譫妄脈沉無他證者。宜大黃黃連瀉心湯。或小陷胸湯亦可。下早成痞。枳櫛散。

結胸

結胸之證有三。不按而痛者。名大結。按之而痛者。名小結。胸心下怔忡頭汗出者。名水結胸也。汗下之後。不大便五六日。舌乾而渴。日晡少有潮熱。從心下至小腹鞭滿而痛不可近。而脈沉緊滑數。或但關脈沉。

緊者宜大陷胸湯。或陷胸員下之。或脈浮者。表未罷也。不可下。下之則死。宜小陷胸湯及小柴胡湯之類。和解之。表罷者。方可下之。或結胸雖脈浮。而裏熱勢惡。須可下者。宜三乙承氣湯。分作三次。約三時許服訖。得利甚良。雖未稍減。脈必沉。病微者。止用三乙承氣半服。按法而下之。裏熱甚者。以大陷胸湯大半服而下之。或但結胸別無大段熱證。但頭微汗出。脈沉潛者。水結胸也。通宜大陷胸。小結胸心下按之。而痛脈浮而滑。別無大段熱證。及水結胸者。小陷胸湯。傷寒下之太早。結胸黃連解毒湯。加枳殼。傷寒結胸虛痞涼膈散。加枳殼桔梗。或但自熱結胸者。其胸高起。腹雖不滿。而但喘急。悶結。譫妄。昏冒。關脈沉數而緊者。用大承氣湯加甘遂一錢匕下之。表證罷。熱入裏。結於胸中。煩滿而饑不能食。微厥而脈乍緊者。瓜蒂散吐之。太陽中風下利嘔逆。表證罷。乾嘔短氣。不惡寒。熱汗發作有時。頭痛心下痞。鞭滿。引脇下痛者。十棗湯。結胸而發黃者。茵陳湯。陷胸湯。各半服下之。協熱下利不止。更結胸發黃。茵陳湯五分。陷胸湯三分。大承氣湯二分下之。爲佳。脈浮不可下者。小陷胸湯合小柴胡湯。

血證

太陽病日深。表證仍在。循經熱畜於下焦。脈微而沉。不結胸而發狂者。熱在下焦。小腹當鞭滿。小便自利也。血下而愈。宜攻之。或太陽病身黃。脈沉者。循經而畜熱下焦也。小腹鞭。小便不利。爲無血。小便自利如狂者。瘀血症。或陽明畜熱內甚。而喜妄或狂。大便雖鞭而反易其色者。有畜血也。或無表裏證。但發熱日深。脈浮者。亦可下。或已下後。脈數胃熱。消穀善饑。數日不大。便有瘀血也。並宜抵當湯下之。傷寒有熱小

腹滿。小便自利者。爲有血也。當下未敢用湯。用抵當丸最爲穩當。太陽病不解而畜熱下焦。先以桂枝解表已而下血。宜桃仁承氣湯。或抵當圓攻之。傷風汗下不解。熱鬱經絡。隨氣湧泄。爲衄。或清道閉流。入胃皖吐出清血。及鼻衄吐血不盡。餘血停留。以致面黃。大便黑。犀角地黃湯發狂。加黃芩大黃。

譫語

譫語發狂。三乙承氣湯合解毒湯下之。若傷寒過經譫語以有熱也。當以湯下之。若利小便。大便當輒而下利。脈和者。醫以圓藥下之。非其治也。若自利者。脈當厥。今反和。此爲內實。調胃承氣湯。或涼膈散通用。

發黃

陽明病。表熱極甚。煩滿熱鬱。留飲不散。以致濕熱相搏。而身體發黃。其候但頭汗出。身無汗。臍腹而還。小便不利。渴飲水漿者。身體發黃。宜茵陳湯調下五苓散。結胸而發黃者。茵陳同陷胸湯各半下之。或悞服熱毒圓藥下之。反損陰氣。遂協熱利不止。更或結胸而發黃者。用茵陳湯五分。陷胸湯三分。承氣湯一分下之。或兩感發黃者。用茵陳湯加黃連解毒湯一服。急下之。頭微汗。小便利而發微黃者。濕熱微也。梔子梔皮湯發黃甚者。茵陳合三乙承氣湯。

發斑

發斑下證未全。涼膈散未曾下。胃熱發斑。白虎湯加入參白朮。陽明胃熱發斑。脈沉須可下者。三乙承氣湯下之。傷寒胃熱發斑。涼膈散加滑石調五苓散甚妙。傷寒七八日發黃有斑微熱腹滿者。或痰實壅上。